



Inatsisartunut ilaasortaq
Hans Enoksen
Partii Naleraq

Ulloq unnuarlu paaqqinniffiit imminnut ingerlatittut pillugit § 37 naapertorlugu apeqqummut nr. 116-imut akissut

Inatsisartut suleriaasianni § 37 naapertorlugu Naalakkersuisunut Ulloq unnuarlu paaqqinniffiit pillugit apeqqutinik nassiussisimavutit. Apeqqutitit uannut akisassanngortinneqarput.

- 1. Naalakkersuisut pilersaaruteqarpat piginnittuussusermik allanngortiterinissaminnik imaluunniit suliffeqarfiit namminersortut pisortanit suliffeqarfiutigineqalernissaannik, uani kommunit imaluunniit arlaannik allanguinissaminnik Kalaallit Nunaanni meeqqanut ulloq unnuarlu paaqqinnittarfiit nammineerlutik pigisut pillugit?**

Naamik.

- 2. Sooq Naalakkersuisut isumaqarpat Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 1, 25. Januar 2019-imeersoq – illuatungaani tunngaviumik inatsimmi oqaasertai, Meeqqat tapersersorneqarnissaannut Inatsisartut inatsisaat nr. 20, 26. Juni 2017-imeersoq, §60 Naammagittaalliuuteqarsinnaaneq – erseqqissumik nalunaarummi allaqqavoq § 61, aqutsisoqarfiup aalajangiinera pisortatigut oqartussanut allanut naammagittaalliuutigineqarsinnaanngilaq? Oqaatsit issuaqqissaarlugit: “§ 61. Meeqqanut ulloq unnuarlu paaqqinniffimmik akuersilluni Isumaginninnermut Aqutsisoqarfiup aalajangiinera pisortatigut oqartussanut allanut naammagittaalliuutigineqarsinnaanngilaq”**

Isumaginninnermi Naammagittaalliuuteqartarfimmut naammagittaalliorsinnaanermut piumasaqaataavoq, Isumaginnittoqarfiup aqunneqarnera aaqqissuussaanelu pillugit Inatsisartut peqqussutaata allanngortinneqarnissaa pillugu Inatsisartut inatsisaat nr. 47, 23. November 2017-imeersumi § 8 malillugu Isumaginninnermi Naammagittaalliuuteqartarfimmut naammagittaalliuuteqartoqarsinnaanera inatsimmi aalajangersarneqarsimassasoq.

Kommunalbestyrelsip aalajangernerisa ilaat Isumaginnittoqarfiup aqunneqarnera aaqqissuussaanelu pillugit Inatsisartut peqqussutaat malillugu Isumaginninnermi Naammagittaalliuuteqartarfimmut naammagittaalliuutigineqarsinnaasut Meeqqat

06-03-2019
Suliap normua 2019 - 5550
Akt. id. 10201420

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

tapersorneqarnissaannut Inatsisartut inatsisaat nr. 20, 26. juni 2017-imeersumi § 60-imi takuneqarsinnaavoq.

Taamaalilluni Meeqqat tapersorneqarnissaannut inatsisartut inatsisaanni § 60-imi oqaasertaliussat aamma Meeqqanut ulloq unnuarlu paaqqinniffinnik pilersitsineq ingerlatsinerlu pillugit nalunaarummi § 61-imi oqaasertaliussat imminnut akerleriingillat.

3. Naalackersuisut isumaqarpat pisortanut allanut suliffeqarfiit ulloq unnuarlu paaqqinniffittut imminnut pigisuusut nalilersorneqarnissaat periarfissaqanngitsoq, naak nalunaarummi arlalinni eqqaaneqarluni taaneqareeraluartoq, ataatsimoortumik naliliinerusoq aammalu isummiussani aalajangiusimavaa, soorlu assersuutigalugu § 33-mi allaqqasoq akuerineqarsinnaasoq "...ataatsimut nalileereernikkut pisariaqartumik pitsaassuseqarnissaa piumasaqaataavoq", aamma § 34 immikkoortoq 2 perorsaanermi periaasit "allaanerugaluartut", aamma taamaqatigigaluarai? Naalackersuisut politikikkut isumaat paaserusunneqartoq akeqquneqarpoq, nalunaarutip atuutilersinneqarnerannut Naalackersuisut akisussaasuummata.

Isumaginninnermut Aqutsisoqarfik tassaavoq Kalaallit Nunaanni oqartussaasoq, suliat piginnaasaqarfugalugit, qinnuteqartorlu oqaloqatigalugu, paaqqinniffiit ataasiakkaat pitsaassutsimut piumasaqaatinik naammassinninersut pillugit nalilersuissalluni. § 43, imm. 2 malillugu nikingassutit paaqqinniffiit ataasiakkaat perorsaanerminni periaasinik taamaalillunilu nutaamik eqqarsarsinnaanerannik, paaqqinniffiit pioreersut periaasiinik perorsaariaasaannillu killilerneqanngitsumik ingerlatsisinnaanerannik ammaassivoq.

4. Naalackersuisut nalunaarutip suliarineqarnerani ulloq unnuarlu suliffeqarfimmu immiut ingerlattumut tusarniaasimanerlutik aamma tusarniaanermi nalunaarutissaq suliarineqarnerani ulloq unnuarlu paaqqinnittarfiit suliffeqarfiit imminnut pigisut aggersarneqarsimanerlutik?

Namminersorlutik Oqartussat tusarniaanernut nittartagaanni naalackersuisut.gl-imi nalunaarutissatut missingiut piffissami 4. oktoberimiit 7. novembarimut tamanut tusarniutigineqarpoq.

Aamma nalunaarutissatut missingiut soqutiginnittunut arlalinnut nassiunneqarpoq, matumani ilaallutik Isumassortit, taanna tassaavoq ulloq unnuarlu paaqqinniffinnut imminnut ingerlattittunut arlaqartunut soqutigisaqaqatigiiffik.

Nalunaarutissatut missingiut taamaattoq ulloq unnuarlu paaqqinniffinnut imminnut ingerlattittunut tamanut toqqaannaq nassiunneqarsimanngilaq.

Ulloq unnuarlu paaqqinniffinnit imminnut ingerlattittunit tusarniaanermut akissutigineqartut tunngavigalugit tusarniutigineqartumut allannguutissatut tulliuuttut suliarineqarput.

- § 7, imm. 2 allangortinneqarpoq, taamaalilluni nammineq ineraqartussaannermut piumasaqaat avaqqunneqarsinnaalerluni, tamanna meeqqat ataasiakkaat ineraqatigiinnissaat meeqqamut pitsaanerussasutut aamma perorsaannermut atatillugu pisariaqartinneqartutut isumaqarfigineqarpat.
- § 8 allangortinneqarpoq, taamaalilluni sulisut anartarfeqarnissaannik uffarfeqarnissaannillu piumaqaat peerneqarluni.
- § 33, imm. 2, nr. 7 allangortinneqarpoq, taamaalilluni naatsorsuutit taamaallaat naatsorsuuserisumit akuerisaasumit kukkunersiorneqarsimassallutik.
- Ulloq unnuarlu paaqqinniffiit imminnut ingerlatittut missingersuutaasa akuerineqartarnissaat pillugu § 40, imm. 6 peerpoq.
- § 42, imm. 2 allangortinneqarpoq, taamaalilluni naalackersuisoqarfik isumaginninnermut akisussaasuusooq kukkunersiuisumit ilisimatinneqassaaq, kukkunersiuisup atuinerit ulloq unnuarlu paaqqinniffiup siunertaanut atorneqarnersut kukkunersiuisumut nalornilersitsisut naammattoorunigit, tak. massakkut nalunaarummi § 41, imm. 4.

Ilanngullugu ilisimatitsissutigineqassaaq tusarniaannermut akissutigineqartut tamarmik Namminersorlutik Oqartussat tusarniaannermut quppersagaanni naalackersuisut.gl-imi tamanut takuneqarsinnaasunngortinnikummata. Isumaginninnermut Inatsisinillu Atuutsitsinnermut Naalackersuisoqarfiup taakkununga oqaaseqaatai aamma tamanut saqqummiunneqarumaarput, oqaatsit marluullugit pigineqaleriapata.

5. Naalackersuisut pilersaaruteqarnerlutik ulloq unnuarlu paaqqinnittarfiit suliffeqarfiit imminnut pigisut oqaloqatiginissaannut ataannarnissaat anguniarlugu qanoq qaqugulu oqaloqatigiinneq suliffeqarfiit imminnut pigisut tusaaneqanngitsutut siunissartik pillugu misigisimmammata? Uani politikikkut qanoq Naalackersuisut pilersaarutaat isumaallu paaserusunneqarput.

Oqaloqatigiinneq aallartinneqarpoq, tassami paaqqinniffiit imminnut ingerlatittut sinniisui akuersissuteqartarnermut ingerlatseriaatsip kiisalu pitsaassutsinut piumasaqaatit atorneqarsinnaasunngortinnissaannut ineriartortitsinermi peqataammata. Tamanna ataatsimiinnermi juni 2018-imi aammalu septembari 2018-imi pivoq.

Tamatuma saniatigut paaqqinniffinni imminnut ingerlatittuni pisortat Kalaallit Nunaanni ulloq unnuarlu paaqqinniffiit pisortaasa ataatsimiisinneqartarnerini peqataasarput, tassuuna ulloq unnuarlu paaqqinniffinni ineriartortitsineq pitsaassutsimullu piumasaqaatit pillugit suliaqarnerup paasineqarnissaa pillugu oqaloqatigiittuarnissaaq qulakkeerniarlugu. Paaqqinniffinnit imminnut ingerlatittunit oktoberimi 2018-imi ataatsimiinnermi siullerpaamik peqataasoqarpoq.

Inussiarnersumik inuulluaqqusillunga


Martha Abelsen